

李

中

麓

閑

居

集

二冊



五言律詩

李中麓  
間居集卷二

李中麓閒居集詩之二

五言律詩

罷官抵家簡喬龍溪僉憲

出使昔東還逢君已遂閒  
罷休今日始遲速中年間  
義社欣連榻詞林共閉關  
高標吾所慕逸

駕許誰攀

謝雨久雨

誰同酣菊酒終日閑  
松樞坐活連根草

雨中  
禾草  
旋鋤

章邱李開先著

生者謂立者生耳榆山遊空負約水患不能無  
禱雨曾多驗祈晴望却孤

歸休家居病起蒙諸友邀入詞社二首同

平韻

仕途不作詞朝省日奔馳官罷非無興病多幾  
不支秋來吾已健夜宴客相隨新作誰能唱須

煩女教師

諸友俱能作如吾何所知強推為會長深媿不  
相宜玉樹多悲調竹枝亦俗詞口占南北曲即

席付歌兒

冬日送喬龍山之任山西府幕

紫禁恩初沐青門路欲分馬衝三晉雪纒帶五

臺雲府幕新叅佐禮經舊有聞行行君慕古吾

敢怨離羣

寄樂安令郭元池

除書下玉京飛鳥穿山城對善賢良策政成卓  
異名吠虺無夜警驅犢樂春耕得眾真難事兒

童竹馬迎

寄輩令謝慎菴

面洛人煙簇堅城更背却眼看庭訟簡耳聽巷  
歌長獄草無人茂棠花佛綬香愛民情最切憂  
國意難忘

寄涓川令申長白

申君長涓川慈愛足稱賢捕盜遠離境教民廣  
種田有呼書木牘示辱用蒲鞭赤坂及西塔登  
臨望若仙

怪石

終年盤小徑向日別深山術有成羊妙舌疑是  
虎鬻竅風時送響衣草自生斑醉眼還能醒  
李德裕有醒 從身亦可攀

夾竹桃

堦下竹抽挑雨餘生意饒日留丹灼灼風散綠  
蕭蕭鸚啄還疑葉鸞棲錯認條但能長抱節向  
必太呈嬌

贈王敬夫秀才下第

唯踏青雲路又歸白板扉空懷和氏璧且舞老

某衣黑髮行將變素心  
豈久違潛鱗須水發  
塌翼待風飛

廢寺

山門盡日開殿宇湍莓苔  
飛錫僧何往尋梅客  
不來水如聞梵樂蘿尚繞  
香臺回首成今古無  
勞問劫灰

聞唐荆川演為七言律今其集中不載

秋夜狂吟

不復犯風江休官還舊邦  
露蛩聲暗壁月鴈影  
晴窓興發揮吟筆醉來卧  
酒缸米狂今有二國

士媿無雙

賀林稚連舉二子

一麥已為瑞雙歧世所難  
歡聲騰里巷協氣滿  
門闌蓬矢重重繫明珠顆顆圓  
徐卿生二子投贈杜陵篇

盧地遠在山南有寺名曰雲山買以避喧

作詩紀實

賒得巖前寺只爭賣者貧  
燒殘楓樹火點出雪花  
銀買主原施主中人即上人  
雲山無定價貴

在任閒身

醃辣芥

荒園手自鋤秋種幾畦蔬不熟名為饑多收醃  
作菹酸鹹盈瓦甕香烈遶茅廬肉食非無味惟  
茲味有餘

秋冬之交雨多未為不善也詩以喜之

秋盡雨迷漫三冬地不乾麥苗青出壠野水聚  
成灘更得春前雪無愁分外寒年豐衣食足餘  
力又輸官

計處古北口

塞却葫蘆峪出其意不防易如除草寇即可了  
花當有備終無患殺降非不祥又須偷北日追  
走勢倉皇花當一種為害甚鉅正統末年曾作  
盜北秋被其窮迫中國若乘機塞峪伏兵  
突起彼必授不首不遑可免無窮後患矣

詠老翁二首

衰憊無筋力強行腰欲墮眼昏微見日耳蔽不  
聞雷病齒難如飯老懷易感哀若能成大藥飛  
步上蓬萊

倚杖朝遊懶擁衾夜睡輕世情知冷煖病骨卜  
陰晴白髮向時黑黃河有日清人生難久埃瑞  
頌不須成云古有人壽幾向河清頌者又

鑷白

仕路矜年少歸山久拂衣里中新識水眼底故  
人稀鑷白吾曾戒談元世所譏童顏能得駐鶴  
髮自光輝

寄題務本宗賢旌孝卷

父服終三載君心慰九重旌書光魯國華聞

播堯封無計長攀栢有時請掃松遙瞻金粟地

雨露動愁容

雨不歇

清明雨不歇二麥已歲鴉水符全生色蹊桃半

落花一朝辭帝里十載作農家進退吾皆適

皇恩詎有涯

題花封紀最

仙令今仙逝郎星曾福星郊喧時縱寫琴罷只

空遲九載歸來日萬民涕泗零河陽花久歇墓



草幾回青

寄贈郭似菴

鄉家齊魯東西鄙  
遠從戎涸轍難求水  
危巢願息風  
塞翁今失馬  
御史舊乘駃  
聞畜羊三百  
教還日却窮

暑雨

久旱况驕陽  
出門如探湯  
油然雲潑墨  
驟雨敲窓焦  
稼迴生意風  
荷薦晚凉地  
多懸望切喜  
劇有如狂

范張二姬彈箏

參養小雙鬟  
搗箏持入元  
鴈排金粟  
柱鶴唳紫  
絲絃誤免周  
郎顧音由  
秦女傳席前  
看指撥纖  
手更堪憐

冬夜留吳客鄒太湖共酌

雪深門早閉  
有客遠擔簦  
投刺勞相訪  
登堂喜不勝  
高歌彈寶劍  
暢飲對華燧  
燈海寇方猖  
獗還鄉恐未能

聞倭寇殺傷山東民兵二首

詔下急徵兵東方選壯丁敗還功後殿師出之  
先轂魂返三齊遠尸橫四野盈千人非不惜祇  
恐震留京

嘉定新迎戰東人死者多橋危難渡馬水漲礙

揮戈言者真無策授官欲請和豪雄如季子無

計脫虞羅鎮撫李季子最驍勇乘勝直逼戰

四頭領中多不亞五千斤者不但季子而已

山居

曆書非不到別是一重天一字無人識四時數

日解重圍

鷓斑辭舊侶鷗鳥久忘機樹背無萱草何時戲

綠衣年來詩骨瘦雨後藥苗肥詩廢長親藥無

愁帶減圍

國運當熙洽君王搃萬機求賢常旰食勤政

每宵衣早定江南亂永教天下肥藩籬俱撤盡

四海作周圍

東床遴駙馬銀漢石支機照例頒天祿蒙恩賜

御衣一門叨國戚三族必家肥畿服良家子

致身珠翠園

踈迂馬服子妖艷魚玄機久矣為人笑宜其濺  
血衣堪羞補俊傑只是愛輕肥老病馳腰甚虛  
藏帶百圍

將門紈袴子誰是識兵機燕女供歌扇越羅製  
舞衣醉嫌金酒淡飽厭錦鱗肥一旦承推轂宜

同垓下園

仕路馳驅久何如早息機友朋咸出祖妻子喜  
牽衣心免浮名累身因戰勝肥家鄉無限好水

月圓草深尋路上山斷有雲連大隱居朝市斯  
言未必然

遊山晚歸一韻三首

日夕牛羊下山村半掩扉樹頭群雀噪天際斷  
鴻飛舉足生雲氣下弦減月輝門前投宿客問  
主適方歸

林深稀過旅問路扣柴扉酒美人多醉天寒鴈  
少飛村翁歌古調山月吐清輝已踐生平約成  
名及早歸

山堂寥落甚，敗壁久無扉。野鹿時常下水禽，不  
遠飛。殘霞收宿雨，落日散餘輝。却笑天涯客，當  
歸尚未歸。

感興疊韻二十四首

歸興同張翰，詩才媿陸機。但能醉魯酒，不必賦  
緇衣。風厲鷹偏疾，禾收兔正肥。呼奴招獵者，同  
打北山圍。

陸地龍蛇走，年前露殺機。幻兒學擊劍，新婦寄  
征衣。歲歉民多瘠，雨淫菜却肥。蘇淞兵困久，何

逸共山園

更深重睡醒，隣女尚鳴機。斜倚青藜杖，翻披白  
苧衣。夢驚黃閣遠，釣想白魚肥。進退皆前定，  
誰能出範圍。

村居雖寂寞，喜脫俗人機。白菊團新粉，紅蓮墮  
故衣。風吹松子落，雨洒豆花肥。人捷馬蹄疾，平  
田可合圍。

行藏今半世，不索問樵機。慷慨嘆長鋏，哀歌曳  
短衣。曾餐官鹿美，今喜鱸魚肥。豈但吾蒙惠，

皇恩布九圍

舉世薰名利無人能識機周章遭法網顛倒着  
裳衣心苦緣多愆身安不在肥澁棊逢國手誰  
為解其圍

哭笑由人役休同偶借機且醺桑落酒更著菱  
荷衣紫緋迎寒壯黃鷄啄黍肥粉香人寄我群  
姣競相圍

量洪方享福發弩本由機夜宴絕安寢晨鍾催  
着衣蓮房霜殺落菰米露滋肥古栢長千尺惡

樗不滿圍

南征還北討責在掌樞機殺氣旋油幕金瘡染  
戰衣將無千里筭士少百金肥漢書百金之士十萬北虜

雖潛遁寧波屢被圍

富貴還鄉日妻當早下機手中提寶劍身上着  
戎衣能鼓三軍氣善調萬馬肥屢經青海戰立  
脫白登圍

自識窮通理方能脫俗機陳情封短疏 賜告  
返初衣無病休嫌瘦成家莫太肥惟耽歌與舞

花柳簇成圍

姑嫂各登機潤機共窄機家居寧受冷遠戍可

無衣戰士長拐腹將軍乃獨肥兵多得用少十

倍徒相圍

兵法十倍則圍之

升沉難豫料惟在善藏機積穀防凶歲晴天備

雨衣如或驕且吝何貴人而肥被戮防風氏一

腰潤十圍

象占原有禁祇恐洩天機守斗移心火下民兆

鐵衣問閻貧到骨官府視猶肥數次平倭寇敗

軍僅潰圍

夜深聲軋軋隣婦織殘機兒哭向魯哺夫寒未

授衣妻賢夫禍少母瘦兒偏肥每欲鄉村去妻

兒左右圍

日夜惟惟宴交遊氓智機歌聲驚客座香氣襲

人衣園橘經霜孰溪魚墮釣肥迴風金不換舞

雪玉成圍

省事還多事心機是惡機鳥驚眠客枕蠅污定

僧衣上偶憐泥佛秦人視越肥魯連飛一箭

解齊城圍

為樂休無度若虞自有機酸能消宿酒冷不厭  
粗衣西子宮腰細東陽病骨肥扶衰觀楚舞蟬  
斷脫腰圍

哭母一韻三首

母亡今斷七秋色正淒清感時聞雁過問寢罷  
鷄鳴徒抱終天恨難伸愛日誠遊前風木響反  
哺夜鳥驚

陰晦何時霽朱明忽已更音容隨日遠魂夢每

宵驚重託惟孤子所憂在兩甥遺言應不負庶  
可慰生平

予年過半百兄弟嘆伶仃鏡裡朱顏改巾中華  
髮盈久無題柱志祇為倚門情親逝吾衰甚為  
農了此生

聞朝議將調邊軍備倭感而有賦一韻四

首

平倭徵壯士韃舍及遼陽南北原殊土馬舟各  
有長前車既已覆後患必須防八日揚么破誰

為武穆王

武廟何司馬葵心本向陽邊軍平內寇國計  
非長致有輕中意只因決此防土方兵自足義  
士又勤王

四夷通遠貢五位正當陽倭賊俄為亂戰舡乃  
所長休輕撩彼毒急要厚吾防定陷囚車內羞  
稱海外王倭酉借號

夷狄隣諸夏猶陰之與陽貪難盈所欲叛每恃  
其長累歲勤邊略一朝潰海防大君神且武

計日可擒王

春日賦事一韻九首

罷官年已久有計養家無畦內新生菜園邊舊  
種榆穀名過晏子功烈陋夷吾過眼雲烟散不  
如作灌夫

書讀需時用乘時志不無何年微草莽晚景逼  
桑榆隣舍更新主身心仍故吾修名難得立回  
首媿非夫

冬來春去客路費有錢無筭出堦前竹葉飛墻



下榆此間難着汝他處不如吾後世人情薄誰  
為大丈夫

日長遊覽處清靜與虛無佛寺多蒼柏仙家近  
白榆兵書傳圮上寶劍舞昆吾學道高年事酒  
狂仍壯夫

社近神當禮晝長別事無竭誠陳芷藻祈歲祀  
粉榆濁酒能留客碧山不負吾悠遊臨百歲爭  
似長千夫

春鴻雲外過遠客寄書無裊裊沿堤柳紛紛夾

岸榆一身多疾病百藥強支吾榆柳堂中卧懷  
人嘆老夫

客從絕域至鼓吹作歌無雲日明邊樹烽烟息  
塞榆五兵藏武庫單騎走伊吾可奪三軍帥難  
挽是匹夫

綠樹沿堤是紅塵半點無舊衣飛敗絮新火試  
鑽榆謂爾還為爾惟吾不記吾王符譏世切著  
論有潛夫

貧居詩思滋終日誦南無靖節惟栽柳陽城餓

屑榆何時王玉汝願作李金吾自媿無能甚空  
空一鄙夫

地震一韻十首

地震連山陝殘傷億萬家室廬盡倒塌骸骨亂

交加占必陰偏盛占云地震兆或政有差地方

地宜靜而動平生三老友一夜委泥沙揚尚

臣等不戢所致馬

家全或失主在却無家土裂火從出山崩水

更加天時非錯人事有參差一望炊烟斷風

吹滿目沙

萬姓已遭劫宗藩亦破家憂勤天語切賑恤

國恩加朝政原無缺歲行定有差內安無外

患永不起風沙

一方捲一命氣數係邦家事驗千年遠法須一

倍加是則從頭是差還到底差願天生虎將萬

里掃龍沙

天網從天降不分積善家民間差已重額外賦

仍加效取千方少基因一着差昔年歌舞地慘

淡月籠沙

雲開湧出月今夜照誰家轉徙繪難盡哀傷文

不加語云文有誰為鄭俠獨自媿夫差不必重

傷感人生一聚沙

召災由吏致民欲訴官家痛哭情難達強行力

不加詎知千里謬原是一毫差掃斗彗星現推

占用撥沙

架薪難作家趁熟早移家雨必渾身濕愁從兩

鬢加盈虛原定數推筭必重差等有差法世變

岸為谷有時水見沙

棲燕今無主忙忙大喪家分爭難自保苦楚又

向加柱史疏疑過遣官勘不差夜來一失手親

友類搏沙白詩親友如搏沙放手還自散

一城千萬戶祗剩一千家天地情何慘生靈禍

莫加貧為雙口累富只一肩差南北還交困胡

塵與海沙

三月念又八日同衆客遊危山

春暮集朋儔登山快遠眸三齊連魯甸千里望

幽州野市紛無已夕陽不可留  
遄歸難盡興且待更來遊

每歲是日開市婦聚者甚衆

### 答潘春谷書感賦

潘君氣最豪擢貴等鴻毛  
身廢談邊務家貧賣寶刀  
才高人共忌憶別我為勞  
報禮慚無物先投有木桃

### 哭子

三子相連喪晝踈夜不寧  
之無誰認字詩禮那傳經  
珠失空輝掌鶴歸拾墮翎  
醫愁難得效無

### 藥制頽齡

### 憂時事

置酒高樓上積懷鬱不開  
歲飢逢久旱雨小只鳴雷  
遠報倭夷盛近聞野哭哀  
人多安攘策惟我媿非才

### 望遠人

燕與人同去燕來人未來  
料應雙鬢改莫遣寸心灰  
遠道書難寄離懷酒不開  
雲山迷望眼空上最高村臺

村會夜歸

朝來忽及暝遊讌遍園亭酒急客偷逸興闌歌  
不停林梢華月上水面列星明健僕先馳報城  
門且慢局

田間詩三首後二首同韻

往歲苦行役歸來田舍客耕夫時 畔野老與  
爭席牛馬散平原鋤犁掛敗壁趨時非所長舍  
此將焉適

但得儲餘粟何須食有魚門前無俗駕几上只

農書酒盡開新甕燕來巢舊廬傳聞遠客至皆

蘇急難除

路險休馳馬水清難餌魚不隳塵世網賴讀聖

賢書搓麥蒸新飯誅茅補敝廬客從笑語不許

及陞除

習靜

託病謝逢迎病從託後生獨居塵慮少久坐道  
心清天矯雙龍鬪綿蠻一鳥鳴非無聞與見禪  
定不為驚

哀姜園

心香天園乃友人松澗姜子所治遊樂未久姜  
遂損館予過而傷焉作哀姜園  
雙飛扉風自開三徑長莓苔園景還如昨主人  
不復來詩牆多剝落石局半塵埃近事成陳跡  
何須問劫灰

閒居

不有遠行客鵲聲虛噪簷  
占云鵲噪 病多長煉  
藥塵少也垂簾遠汲朝餐晚  
夙興午睡甜無愁

亦白髮日向鏡中添

家居學道

舉世歌名利爭馳車馬喧不才辭  
帝里多病  
卧文園賴有三生幸因窺衆妙門  
片辭能悟道  
何用吾千言

暑月夜遊憶舊六韻十四首

候童半掩扉夜宴每遲歸月正清輝遠風輕暑  
氣微談天口緊閉依日願多遠棄置甘吾分疎  
狂任世譏

隣舍杜荆扉漁翁罷釣歸江雲徧覆巖山雨自  
霏微元鬢年來變壯心時去違有緣交里社幸  
得不蒙譏

拜表扣天扉病衰乞放歸  
詔許還東國謝

恩下紫微使臣今有禮能孝在無違報國惟忠  
孝勿貽青史譏

入夜擊岩扉山中採藥歸雲開孤月出風送遠  
鍾微施藥長無厭求文每有違野醫吾所願文  
出恐遭譏

依岩不設扉捷徑醉扶歸帶雨鷄鳴亂掠雲鳥  
去微但教塵跡遠那顧世情違不見魯宣聖猶  
來沮溺譏

日夜憶山扉求歸幸得歸病沉鄉思切客火官  
情微身廢心無留意不違勿矜多赤帝須鑒古  
詩譏

心只戀朱扉口稱棄職歸無能摧玉壘何事問  
金微國是全無忌予言惟莫違雖然當要路不  
免諫垣譏

野鳥入柴扉不占主別歸近林鳥跡滿別院犬  
聲微候月月遲出先天天不違鷓鴣啼未已似  
把路人譏  
不歸不掩扉不醉不言歸酒助詩才速風吹酒  
力微乍勤新僕好久與故人違倒把接籬着兒  
童也見譏

鍾磬響禪扉山僧受戒歸金龕佛像古寶鼎篆  
烟微但得禪心定從教夙願違結交方外交無  
諂亦無譏

少壯辭柴扉宦遊皓首歸征途雲裊裊假館雨  
微微漸覺離京遠行看與世違輕肥原不愛巢  
父莫相譏

黃昏斜倚扉高唱阮郎歸地僻人踪少院深螢  
火微興豪詩思湧熱甚賞心違有日遊方岳豫  
愁關吏譏

顏頤夾雙扉難容駟馬歸傳禮家聲遠為農生  
計微克勤將拙補薄命與心違雖少營家術久  
逃竊祿譏



編籬摧當扉不礙白雲歸池小湛虛碧林長接  
翠微嬾迎賓遠顧似與衆相違不避達官怒但  
愁隱者譏

暑夜口占

馳暉三伏近鬱熱夜來偏火宅難安寢仕途幸  
息肩鳥棲擇大木魚躍必深淵豈獨辭炎暑全  
身不計年

積書省悟

多取不為貪詩書僻性耽借抄先館閣內書原

奏請自南都移來共八十厨掌以典籍後遷伐  
不常因而攘竊抵換存者無幾例許抄覽必先  
具領狀以時繳納世所謂讀中秘書者是博覽  
也今館中諸君不得如前聞只市書而已  
及瞿曇譽望慚書麓李邕詩文章效濟南李薦

南集 若無真實行萬卷搃空談

自壯

彈缺食無魚吹簫樂有餘火箴三尺劍空讀五  
車書渭水摧垂釣王門恥曳裾潛蛟神物耳頭  
角有時舒

憂時

五月行看盡鳴蜩火作聲猶然愆暑雨何以望

秋成白氣直衝斗十七日初昏有白氣起心次直衝綠林新弄

兵雖云成撲滅青州草寇揚子元天變不虛生

讀離騷

行藏隨所遇不必著離騷官大憂愁大才高名

望高才高人所忌官大禍難逃但得一山長何

須首六曹

聞復徵東兵責在無將也感而有賦一韻

五首

暑月急南征全徵六道兵團操原萬衆留守數

千名南國多殘破東人亦震蕩他方非不慮急

為築章城

炎天難出征事急乃加兵仁者曾無敵出師貴

有名居人無鬪志戰士只虛驚城固猶難保南

方多不城

東賦已加征兩年三選兵資予少實惠義勇只

虛名倭寇精神倍殘兵魂夢驚虎臣誰可仗萬

里作長城

兵強可遠征，債帥豈知兵。武備先文事，勇功無  
智名。連籌十里應，拜將一軍驚。謀勇真難敵，無  
城亦有城。  
名將得專征，方為必勝兵。心惟舒憤恨，志豈在  
功名。不被奸譏間，能忘寵辱驚。烟塵清萬里，聲  
價敵連城。

伏日

年年初伏熱，今熱舊應希。童倦仍揮扇，客來即  
解衣。風雖驅溽暑，雲不蔽炎暉。試看林中鳥，高

棲憚遠飛

夏日即事寫懷十四首

賜告十餘載，安閒得半生。漸能知藥性，久已悉  
人情。路僻塵踪斷，雨晴暑氣清。名高毀必集，不  
是愛逃名。

廣成傳秘訣，清靜乃長生。素少世塵慮，頗濃山  
水情。寡言如玉重，一笑必比河清長。勵磴磴節無  
求赫赫名。

人棄我能取，白圭善治生。隱居方合意，無物可

嬰情村亦同城熱河難混濟清片長無足錄深  
愧負虛名

瞻彼龍門上孤桐半死生斲琴成古製雅調寫  
幽情逝矣塵氛隔冷然石澗清廣陵能續譜一  
藝亦垂名

自媿漢三傑顏為魯兩生遲遲無仕意戀戀有  
鄉情雨壁分中濕冰壺徹底清願希司馬氏亦  
走卒亦知名  
胸中無鄙吝日日見黃生絕物原無意作人莫

徑情雲來山潑墨河決水分清處士今生分非  
因敢盜名

禪師有苦行因得悟前生無慮亦無憂有生即  
有情人間方鬱熱天下要澄清報主今無分忠  
臣不潔名

嗜慾如能寡方稱善攝生歸農原夙志哭子乃  
鍾情和靖為真隱蘇威豈詎清辭官群野老爭  
席不爭名

仕途曾旅進勇退見平生倘遂雲霄志難移丘

壑情納涼臨北牖避熱卧西清且了身邊事不  
干世上名

壽多因有疾

語云何以延壽曰有疾

縱慾最慾傷生實德

無能繼虛聲久過情雨山增淺碧玉井汲深清  
佳景人多訪將因變姓名

道服寧違衆儒冠悞一生原無經世略非不近  
人情設餌魚難上垂綸人太清自慚無實學何  
貴有高名

禪心惟一定無住亦無生張翰興歸思阮生少

宦情雲留花檻濕雨過草堂清伏熱無難度難

居是盛名

穴兔兼巢鳥各歸依所生十年勤政意千里倦

遊情午熱浴南浦早涼到上清人間成懶性花

落不知名

熱蒸花自炫人靜草偏生紫府達官占青山亦

世情無非隱者地要作聖之清牛馬隨呼應人

生無定名

中伏熱

中伏連朝熱果然初伏無掃庭仍汎水煉藥怕  
臨爐兢浴滿溪澗行踪斷路途惟予猶自可心  
靜體清癯

六月十五日

中伏今三日無風熱更強懶遊防觸暑禪定自  
生涼起樹頻移榻迎賓暫著裳詩詞聊罷會河  
朔共傳觴

立秋自作一韻十六首

夏雲猶變態秋色已塗林覺有微涼意陡覺畏

熱心疑聞雲鴈唳却是水龍吟節換人歸未相  
思與日深

一朝辭

帝輦十載卧園林有負凌雲志空懷

捧日心弘農休坐嘯澤畔正行吟三伏欣纔盡  
五雲望自深

秋涼時到孰避熱借禪林入定吾忘我真詮佛  
即心深山無犬吠高柳有蟬吟聞上觀音閣夜  
來水月深

裴啓身遭廢只因著語林不談時禁事共保歲

寒心對酒長酣飲閉門莫若吟嫩涼生樹杪  
秉燭坐更深

作意辭朝貴論交友道林雲烟忽過眼時序  
每驚心雙蝶隨花戲孤蟬抱葉吟莫云纔夏盡  
由此漸秋深

江中看後浪雲外露前林無復騫騰志試看見  
在心提壺爭勸飲促織候秋吟仕路忘情久世  
人屬望深

夜來朱夏盡秋意薄平林晚柝頻驚夢早砧已  
碎心長歌塞上曲不和郢中吟吹動秋高興滅  
胡恨轉深

材豈明堂用區區愧鄧林濁流堪濯足茅屋久  
安心立見賓鴻至愁聞蟋蟀吟門間秋長草坐  
久落花深

座中無俗客雅會有詞林月館堪容膝水亭可  
醒心雨苔階下滿風竹檻中吟月上詩方就人  
歸夜已深

身雖離魏闕名幸廁儒林傲物休青眼待人推

赤心棋高無對偶詩速不呻吟久靜羞千謁候  
門似海深

宦火懷鄉土鳥飛戀舊林百年如撚捐萬事撻  
灰心秋熱斜頭睡晚涼挹膝吟名傳青海遠家  
住碧雲深

杜甫憐才意深悲李翰林畏途惟累足世事可  
寒心休賦昭君怨聊為梁父吟幸而容致政謫  
鼠亦恩深

傷弓鷲逝鳥投宿必高林可奪三帥軍特將一

寸心寺曹曾吏隱山水助豪吟學道起三昧為

詩得四深釋皎然云詩有四深謂體勢作

捷息一枝足何須慕上林無能酬夙志莫得蓄

機心通國皆齊語居鄉不越吟吾才猶短綆汲

井不能深養性功在十外

縱鱗非端水寧翼遠風林慎密今藏舌佯狂昔

病心渴喉長獨酌涼景費清吟避事堅辭客草

生一大深千林

千林總落葉梧葉首千林叵奈悲秋思詎知伏



櫪心晚山饒逸興秋水引長吟樂事言難盡閒  
居歲月深

立秋後作一韻十四首

祛暑新涼至耳聞俱好音蟬聲時斷續秋色半  
晴陰吹笛聲相應敲棋手捉襟衝雲群雁唳傍  
砌一蟹吟

在晴心目豁正可試清音珠露溽叢葉商風散  
積陰彈琴成別調洒泣欲霑襟且賦間居賦莫  
吟遊子吟

人世何為貴長年秩德音惟予鶻老大過隙嘆  
光陰讓坐先華髮儒冠稱素襟前妻久已喪孤  
負白頭吟

耕釣吾儂事行歌治世音漁舟泊水次敗來委  
墻陰湧出風雲氣如飄天女襟眼前真景物急  
切不能吟

空谷無人跡足然聞足音良朋傳信至遠地太  
情深夷虜兵臨塞英雄淚濕襟軍情今若此愁  
極只孤吟

退居隨在好祇是少知音竹圃千鍾祿涓涓竹川其

人富與一桑田十畝陰有身不佩印散髮且披

襟爭羨冥鴻舉不為別鵠吟

北虜南倭寇東人獨笑音早苗多隙地老栢少

繁陰對戶山如礪園林水作襟一愁還一喜不

廢撚髭吟

雨以寺遊少許時想梵音秋初欣得霽天際又

浮雲陰人靜塵凝榻熱餘汗滴襟蚊多難假寐

几坐聽蟲吟

耽遊非不羨勤學起微音藝莫誇三絕居常惜

寸陰天涯無候簡良友以分襟雲物望中變湖

山好處吟

乘涼琴可撫太古有遺音泉溜半岩響槐數滿

院陰因而抒素志于以解煩襟古木聞猿嘯高

梧有鳳吟

世情珍俗曲莫遣亂仙音恥飲貪泉水不棲惡

木陰悲歌多義氣拘促少胞襟誰得還誰失自

嗟復自吟

相招同隱逸良友惠佳音拜表辭黃幄讀書起  
綠陰鳥情欣水木猿性強冠襟遺貴身心穩安  
貧首尾吟

延客為喜會滿堂盡賞音賡詩方白戰醉酒卧  
清陰博陸齊呼采樵九暫解襟蹲前分戲劇詩  
就共謳吟

對局賓皆北賦詩悉古音辭章出晉右名姓託  
碑陰拂拭堂中榻喝酬漢上襟綦因一着錯詩  
對會家吟

南園小集

小圃荒蕪久剪除一通徑疎松高覆屋密竹自  
成叢景物無他異冠裳幸此同坐來忘主客真  
率古人風

十月朔日祭瑩畢偶述

迎賓能健步役僕尚高呼傳世猶無子亢宗賴  
有吾冬從今日始心與舊時殊合祭經先隴因  
之百感俱

景興十月望日遊遠莊迴

晨興巾櫛罷日爛海東紅木落千岩瘦禾收四  
野空亟歸猶恐晚傳食媿無功愁裏時光速况  
當十月中今日

城南暮雪

南墅今重到天寒歲已窮雲濃將雨雪日暮更  
無風浙瀝初鳴竹繽紛漸蔽空冰霜堅晚節松  
栢顏相同

雪夜有客過訪

剪燭生寒燭吹簫咽凍音素華混月色白紵向

風吟扣戶客聲急下堂人跡深相携欣入座濁  
酒不停斟

十二月七日復大雪六首

十歲九祈雪今冬雪應辰貧民思挾纊遊客濕  
綸巾京國難遙望冰山作近隣火樓寒谷內何  
日發陽春  
白占釣魚灘決旬閑釣竿朔風過塞北凍日隱  
雲端洒處沾沾濕飛來片片寒詞林有雅會不  
必效袁安

雪花應候飛左右故相依到手吹還散凝眸望  
愈微輕搖班女扇細點謝郎衣莫惜紅爐墜有  
時被日晞

窻白宵疑曙花飛冬似春真聞岐路塞漫道廣  
川堙氣結成鹽井風吹起玉塵歲寒徵志士知  
白是何人

窻外白皚皚光分玉鏡臺池邊消欲盡風裡聚  
還開嫋嫋輕無力紛紛細若裁園林花滿樹向  
樹是真梅

風來寒厲厲何日層青陽積雪平鋪練凝冰類  
截肪小齋時偃仰只此是行藏舉世誰知味閒  
中味最長

雪夜不寐二首

白壁聯千嶂冰花洒滿空明多欺皎月勢急舞  
迴風破夢驚宵柝多思及曉鍾冬殘寒較淺不  
日度春鴻

纍綴壓枝重繽紛到地輕因風飄曲牖帶月照  
虛楹菊酒延春色蘭釭助夜明愁多難假寐擁

被待鷄聲

正月七日雪夜對客作

能禁花遲發終然不釀寒園丁供晚膳菜甲滿  
春盤迎氣從今始豐年自古難雪多豐可必觴  
客罄交歡

雪劇道逢田獵者

獵徒收免宜歸路阻而差裊霧瓊英亂隨風玉  
樹斜挽迴青帝駕故逼艷陽花虞濕酒旗捲逢  
人問酒家

春日雪宴用妓佐酒

雪宴聚名姬旋教春雪詞歌喉雜鳥弄舞態湯  
蛛絲樂歇呵纖指軒明映玉肌烟花聊寄興良  
友莫相疑

雪中有感

雲端潛舊日林下又新年冰解春聲動牕虛曉  
色偏峰巒同削玉原隰摠平田雪落如官罷風  
吹不上天  
雪後有感

暖融春雪後莫忘歲寒期  
班怨題純扇墨悲在  
素絲調高應寡和白甚  
不能緇名利場中客冰  
山能幾時

上元夜值雪

客歲非無雪上元雪有情  
逐風看物潤伴月助  
燈明善解吟喉熱能令  
病骨清登樓聊引望烟  
火滿春城

雪晴二首

雪晴花自發羯鼓慢催花  
春色先挑萼燒痕露

草芽壯心思射獵衰鬢滿  
霜華冰泮增新水環  
流處士家  
雲霧散長空韶光處處同  
風來自北斗轉已  
朝東新雪應難久堅冰漸  
覺融農人交勸戒及  
早即田功

清明山行值雪二首

雲垂不作雨風起霰先零  
峻嶺微添白芳郊難  
踏青鵝毛見看細細鶴髮  
助星星冰結鞦韆索  
十年今再經

山前紛掃墓今日正清明疑是紙灰亂原來雪  
片輕花開非舊色野哭半新聲不為躬春祀山  
程無此行

揚東江書報得女音

孕後多奇夢書來驗却殊此時雖設悅明歲必  
懸弧厚德衆推爾不才誰似吾長年十有二子  
女尚然無

秋日有懷拒山田希古

仲秋葉漸黃撫景憶田郎好畫真成癖吟詩喜

欲狂十年無訊問萬里隔封疆日斷南雲遠心

隨北鴈翔

贈謝少溪有序

少溪負經濟才歷任中外藉藉著賢声  
年五旬餘以兵部亞卿提督京營已而  
迴佑本部又陞戶左衆方望其登台賤  
斗志與道大行於天下乃上疏乞休雖  
林下有高賢而仕途失一良臣矣抵家  
之日予即候而問之曰生才主用乃天



之道君子在田豈世之福哉今官階已  
崇特簡在即胡不少留以副衆望况  
去應休年例不但十餘年少溪曰將以  
官為家耶無奈何病體欲養鄉思難遏  
藤交甕牖雲冷石牀野鶴失羣洞猿無  
主久矣又幸得以與君為伴時行時止  
間居樂自有餘予因戲之曰林泉清福  
向為區區所推據者今年平分與兄矣然  
公道在人心重名溢人耳行見蒲輪及  
門使者催請上道雖長欲為伴不可得  
矣飛潛各自有時目前且喜其歸聊以  
是詩見情云

謝子富經綸京卿早乞身林泉喜有伴兵賦屬  
向人約日遊東嶽終宵禮北辰里中稱逸叟天  
下仰名臣  
贈劉次禹秀才

劉生從我遊荏苒十春秋重寶難輕售明珠莫  
暗投債逋何日了貧病有時瘳勤學窓寒下公

車行見求

贈少菴弭來夫

弭子吾姻姪交親自早年鄉關曾屢試學舍已

三遷授業朝群聚讀書夜獨眠弟兄能苦學三

鳳待齊騫

春日臺集憶唐荆川有序

小子例寫

曩予有詩二句煦日花間轉光風草際

迴自謂尋常不足觀荆川獨愛而誦之

丁巳春宴客城南臺上風景適與詩合

遂足成一章兼及荆川誦詩之日迄

今二十五年矣再加此數則人各八十

上下未來事安得而知之道遠別久撫

景興思此詩亦情不能已爾

臺近古城隈出城即上臺兩餘園景麗客至野

筵開煦日花間轉光風草際迴遙思唐太史向

日共猗盃

十月村居遇雨與李龍塘胡胡山馬峯亭

并弟繼先相守數日得詩三首

十月不沾塵來年莫問辛田家占一分元日得辛  
以遠為貴故云十月路上不沾塵休問來年幾  
日辛又云堂前十月月汪汪水不怕來年一日辛

兩聲隨處是來色望中新積日成殘歲微風應  
小春親朋欣笑語不覺忽淹辰

亂飄霜葉落疑是雪花飛晝日忽昏黑遠山失  
翠微繁聲喧石壁朔吹透書幃人跡雨中少何

須更掩扉

吾弟知農務諸君搃善文連朝能聚會冷雨久  
續紛文妙無過熱農收只在勤

齋各離群

初冬感述

十月初旬後節遲始立冬虹藏不見跡蟻聚欲  
培封觸事增新慨感時改舊容近年倘得嗣差

可慰情悰

寄致政梁玉菴內翰舊嘗從子學

才高人共忌志大命多違雞舌香仍在龍頭事

已非選庶吉士試卷曾經御覽上為師

吾有媿罷吏汝同歸宜酒惟魚膾相將買釣磯

寄崔平橋舉人近從予學者  
塵下文人窟君才不可當  
埃時登甲第為我重  
門墻落筆多奇思探囊試異方  
不徒二舉業兼吐漢文章  
題高廷重城南別墅有水碾磨及藏修室  
廬二首  
城南棲息處觸目景多奇  
池靜沉雲影林深掩日規  
間編今樂府愛讀古歌詩  
名利人多慕此心曾不移

風激水成音天然太古  
琴輪飛霜葉舞春急浪  
花侵此是浮沉態難挽  
清淨心更有修真室深  
藏竹木陰

送謝龍盤應貢入太學二首

材貢東州美文章絢彩霞  
循資登監冑善作大方家  
折贈長亭柳還看上苑花  
花衝星龍劍氣不

日遇張華

君才人不先謝氏况多賢  
獨步稱希逸

謝莊字希逸袁

東獨步

能詩擬惠連仰攀仙桂後  
爛醉菊花

前雌伏無多日鵬飛不待年

贈王小村秀才二首

庠序重王生非徒守一經文詞能妙絕醫藥更

專精齊國稱才士謝門有令甥只今年尚少器

識自天成

家世本儒門讀書不憚煩終年長閉戶鎮日懶

窺園濟衆施良藥謀生賴小村凌風有健翻萬

里早飛翻

贈月溪溫節推

公庭人不喧聽訟刑無繁早擅三齊譽能伸六

命寬有教死一家六命子容處事審字容蘇頌

京堆官歐陽公若水得官尊數雪死寬太祖家

稱其慶事精審若水得官尊數雪死寬太祖家

贈清渠霍堯深秀才其來計其來計其來計

清渠吾益友早望作元魁豈意年今長猶嗟時

未來人推脩行檢士重富文才材大雖難用終當

出草萊

題世續樓有序

武城袁生舜問其曾祖居百尺村因建  
百尺樓祖父有百世三世二樓相傳共  
四世云  
俯臨千里流雄構有飛樓閉戶雲迷榻開簾月  
上鈎十年勤紙筆四世紹箕裘恃有丹梯在雲  
程無足憂

端惠王輓詩

河間流厚德文藻憶陳思葬地獲金粟霜天墮  
玉芝空然遺劍舄久矣罷琴瑟宗藩惜齊

齊城同一悲

贈門人田子濯秀才

昔年初受業朝暮屢予過吾教參乎少汝言賜  
也多邇來惟務實不日掇巍科豈但文章妙知  
音善雅歌  
贈醫士王靜菴

擇術希康伯輕財比宋清病人思欲起遣僕競  
相迎製藥微存性豁痰太得名奇方吾亦有兼  
可濟蒼生

送王綉川秀才夏月入勞山訪廣陽師

六月尋師去向魯畏遠途俗塵臨海斷暑氣入

山無獻果猿紛至投林鳥亂呼道成冲舉日知

爾不忘吾士王綉

寒食南莊宴李九河馬南冶魏東臯李胡

川黃孔村李龍塘胡胡山諸客作

歌舞出妖童邀賓場圃中歌筵留落日舞袖起

東風堤柳煙難禁蹊挑火自紅鞦韆來野婦蹴

罷首如蓬

清明日雨至夜少霽已而復雨且聞祭墓

迴有哭声者共二首

清明今日雨車馬滯村坊深閉鞦韆院難登蹴鞠

場半天飛絮濕滿地落花香二麥必多獲酣歌

喜欲狂

遙聞野哭悲主客暫停危哀樂難同調陰晴無

定期月升方半鏡雨細忽如絲鬢髮添新白花

紅仍滿枝

謝少溪園與張栢巖夏鬻山共四同年賞

牡丹分韻賦詩予得看字

名園賞牡丹詩酒久盤桓葉鳥青絲佩花擎赤

玉盤芬芳盈綺席爛熳出雕欄酒共同年醉詩

留異日看悲主

初夏江上送李九河携借書還鄴三首

江頭送客行景物最關情春去鶯花老雨頻燕

麥成雲山橫遠色風水蹙離聲濟郡多文士西

歸第一程

借書日不虛為我善藏書豈但三車富還過萬

卷餘賢王多問學遣使甚勤渠書云勞門客

抄時正魯魚

携手采江籬離歌悵路改夾風千頃浪梅雨一

天絲吾志終為爾君行何所之逢人如問及多

病日迎醫

入夏再同衆同年在予園賞牡丹仍限韻賦詩

題詩仍限韻繼賞在吾園白戰停歌扇清香撲

酒樽近看偏艷麗久坐到黃昏歲歲開花日相



携此避諠

贈良醫李少鶴

醫厚緣多病李醫志不同周貪貪者利綽有古

人風採藥過山後懸壺在市中塵心吾已淨良

劑易為功

送羅國山還慈谿因訊陳閑山慈谿近被

倭寇殘害閑山獨免昔年同為吏部郎

有文才予嘗比之陳仲衆仲衆名旅蓋

元儒之出色者也

避寇遊東西即為人所知真能經世務不但富

文辭閭里多殘破親知久別離倘逢陳仲衆道

我日相思

再用前韻懷呂東東匯東早負才名善談吐有

膽略受知於羅峯張相國遭諛中廢後

以平倭有贊畫功陞通政使仍舊致仕

予之改吏部雖遵巖王子薦之亦由呂

子能聽之懷之為其人非私之云爾

物望曾來重上公早見知風生有幹濟泉湧善

言辭武略能超絕  
文光更陸離  
陞遷未實用  
海內繫遐思

賀西亭宗賢生子

驚喜得賢嗣  
凡兒未可同  
嬉嬉時一笑  
炯炯現雙瞳  
長大傳家學  
恢宏有國風  
名高已足貴  
貴復世王公

送安軒張僉憲由武定兵備陞山西少叅  
分守冀南道

才優事屢更  
在處著賢聲  
此去司錢穀  
昔時備甲兵  
刑嚴除盜跡  
法恕近人情  
會見蒲關政  
遙從武定成

八月十三夜樓集

樓高豁遠  
昨夜宴最宜  
樓明月看將滿  
洪河不斷流  
重遊擬後夜  
多病恐先秋  
加攝兼良藥  
餘生無復憂

遊近城小園

雨後路步難行  
草深路不平  
田園皆負郭  
廬舍近

鄰城久定飛蓬跡厭聞咏木聲簿遊猶自懶靜  
坐得吾生

具江劉鳳鳴秀才喜其逢而惜其去也詩

以送之時正暮秋二首

萍水偶相值知君非問律好遊久作客抱藝恥

千人驥足何時展鵬翰有日神惟吾長已矣秉

耒與綸垂

相送大江濱江花殘不芬若逢花艷日來看草

玄文雅志真超絕雄談聳聽聞棄繻年正少是

亦一終軍

雨中祖居請衆客陪蘇雪策書先母墓文

陰晦連三日山中釀早寒澆愁材酒薄撫背客

衣單飛霧低迷樹細流注湍灘墓文揮洒罷技

淚雨中看

遙賀趙王壽六十歲十月初六其降辰

也

北海敞華筵南山祝壽篇禮成千歲節時正小

春天兔搗長生藥爐飛不斷煙一陽從此始甲

子通相旋

遊百脉泉一韻五首

水勁無過濟脉泉更著名不霜清見底漱石寂

無聲顆顆如珠碎法法北鏡平不能容小艇只

可濯長纓

景物東南勝泉不可名池清能照影風激始

聞聲遠寺流還細過橋勢與平卜居無定所此

可解塵纓

四瀆同歸海伏流濟擅名隱淪罕此地經濟愧

虛聲閱世風斯下令人氣不平如聞隣里鬪救

亦不冠纓

高名何足貴漁父可逃名池上垂釣影灘頭撒

網聲一輪山月小千頃暮雲平簑衣雖是草不

欲換簪纓

一丘新隱姓百脉舊家名時有山獐下長聞水

鳥聲林居有足藥世事不能平北虜南倭寇向

人為請纓

答遠書相問

萬里馳書札不辭道路賒問予何所事感客情  
難加棊局稱無敵文章媿大家老農勤稼穡只  
此是生涯  
一五季秋晦日作一韻二首  
眼見春花飛回頭秋葉稀風光駒過隙身世鳥  
忘機漁隱無榮辱官高有是非可憐寒已逼方  
聽搦寒衣  
木葉不停飛菊花霜打稀秋高悲肅景官罷免  
危機歸去于今是追思覺昨非天涯無遠客不

必寄征衣

先瑩冬祭畢謝陪祭諸客

歲歲勤冬祭今冬風日嘉竭誠神可格得助禮  
無差樹未全凋葉菊猶半戴花炙牲滿注酒酬  
客慶年華

初冬夜與客賞菊

得魚罷釣竿華月初出雲端甕煖酒新熟籬寒菊  
未殘乘閒長宴客有幸蚤辭官花底陶然醉夜  
闌興未闌

憫老

莫恃年方少少年能幾時  
壯心猶未遂華髮忽如斯  
水下流偏連日斜光易馳  
勿談傷感事人老每生悲

憫貧

獵獵朔風急街頭吹倒人  
有衣不掩胫無粟甑生塵  
温室寧知臘華堂別貯春  
豪華紈袴子難以語貧民

贈良醫時杏庄有序

時杏庄醫名曹濮久矣頃因陳月山來章始道其詳病人延致者日無虛謝病裁杏者歲有增也陳子已有詩贈之矣時子不可獨遺也遂亦有此作

時子因陳子醫名徹與吾山中行採藥市上坐懸壺受杏十餘載成林數百株耽棊獨有癖居術豈能驅

寒食依岩亭讌客兼觀蹴鞠鞞三戲三

首

酬節聊陳席山亭速弟兄雙飛初見蝶百轉喜

聞鶯風雨知寒食荆楚歲時記云冬至後一百五日有疾風甚雨謂之寒食

林泉簿宦情自煎有膏火不向道心生

榮木華初吐天挑火欲燃千門皆插柳萬竈不

飛烟冷節真佳節老年憶少年病餘仍藥餌熟

食且從權

蹴踘競當場鞦韆飛出牆身輕風滾絮足疾

穿楊鄉俗吾同樂仕途爾自忙不尤人不錄何

至火相戕

暮春遊城東水村四首

奄忽今三月東村始一遊到門皆異景結駟有

同傳花發迷三徑水分作兩洲塵纓久可厭起

此濯清流

為愛風光好不愁日月徂花殘鶯已老竹籜燕

將雛觸目俱詩料置身在畫圖平泉雖不逮愚

谷或相如

人間百事宜遊行暮春時縱得官崇品不如酒

滿卮燕泥沾墜絮蛛網掛遊絲祗恐花飛盡東

風且慢吹  
夙興星未落  
夕樂日將低  
風暖花香細  
春深草色齊  
浮萍初出水  
郁李自成蹊  
無處驅歸騎  
路荒醉眼迷

春陰二首

天氣久氤氲  
山川望不分  
雨垂魚已噏  
見誰霧  
暗雁迷群懶  
出天邊日最  
驕頭上雲可  
憐花事薄未  
賞落紛紛  
不見艷陽天  
雲濃陰偏客  
稀苔獨茂人  
倦柳

同眠考擊沉  
鞀鼓吹彈咽  
管絃麥黃穀  
未播難望是  
登年

春晝

日永焚香坐  
滿爐古篆灰  
黃鶯鳴不已  
紫燕去重來  
雨後花含淚  
風中麥結胎  
登樓伐出戶  
曲檻久徘徊

春夜

寶鴨香初泛  
銅龍漸點加  
睡輕聞雨竹  
情重惜風花  
無語梁間燕  
未啼城上鴉  
春宵太寂寞  
歌



枕待朝霞

春愁

乍寒還乍暖  
難攝病中身  
掛綠知無日  
踏青強探春  
風吹花色淡  
寒勒柳眉顰  
愁思如芳草  
雨餘種種新

春望

寂寥人獨立  
瞻悵客同遊  
飛絮漫天下  
落花逐水流  
眼昏猶昏戀  
闕足疾強登  
樓回首難堪  
處春歸不可留

春泛

橫波搖遠天  
雲影落杯前  
避網魚翻浪  
忘機鷗近般  
殘桃花片片  
新荇葉田田  
遊客笙歌沸  
春風亦費錢

贈陳道人尋得其師崇陽

忽跨青牛去  
驚聞白馬譚  
玄非能尚白  
青木出于藍  
大道聞皆笑  
真詮不易探  
歸求師自有  
何事日三參

楊升菴狀元以草字詩見寄依韻奉答

吾樓在何所大東更向東書將藏洞府劍不倚  
崆峒月照新紗幘燭殘舊絳籠此時方憶汝詩  
草忽相通

附升菴原詩

中麓何山隱青兵太岳東藏書俾宛委問道即  
崆峒鸞鶴烟雲駕烏蟾日月籠相求天路迥惟  
許谷神通

送長洲主簿張子陳之任

君去無勿徘徊嚴程花正開行看飛蓋遠莫厭巨

觥催梅福真仙吏挺之有吏才東吳權佐縣貯

疾漢廷回

輓外祖母翁

佳城從此閉客舍幾時開駐景苦無術逝波竟  
不迴寫生寧得似遄死更堪哀病原中古雅冠裳

在將來化坐灰

輓外祖母

花落鳥啼罷桐摧鳳不來堂前無白髮塔下有  
蒼苔春盡閒春閣夜深寂夜臺空餘賢德在忍

聽輓歌哀

齊東送外祖喪途遇大風

十年三度此此度獨傷神計節將臨夏狂風不  
似春軒車集舊壠柳絮逐飛塵追往增新慨况  
予多病身

携家衆齊東送筮由船路迴四首

山童始識船濟水逆流旋魚逝驚簫鼓鳥鳴雜  
管絃送迎如仕者情興減當年何似遊方士一  
身無所牽

千花眼底明一葉浪中輕行疾樹難辨倒懸岸

平忽聞童輩唱混入棹歌声結網吾生懶羨

魚空有情

風前目力微水色映斜輝望望來無際滔滔去  
不歸魚穿荷葉亂燕掠浪花飛不是問津客漁  
翁莫見譏

執紼匆匆出丹迴景色新臨流花照面避餌魚  
潛身賈客聞中客漁人物外人相逢同一笑雲  
水樂天真

壽雲峯王母

曉日麗瑤池春風醉玉卮彩霞仙服製繁露絡  
珠垂重降今王母再生古女師八旬已是壽千  
歲以為期

懷許石城舊寅長

文光輝上台曾作大元魁家盛官因罷名高毀  
自來山中溫舊業花下醉新醅選部相前後惟  
予最不才

挽林東城舊寅長

東城敦樸士講學日無虞客死三千里人生四  
十餘俸金惟數兩家具不盈車丹旌離京國  
清風溢里閭

挽舊月祝靜菴

遊燕學有源宰邑政無煩桃李陰猶密桑麻惠  
尚存當時稱國器垂老竟王門青塚山川迥無  
由奠一罇

中秋月食一韻二首

中秋夜正寒天際駕青鸞有物如相撲無端半

已殘塔華忽盡沒鬼魄莫由看復後仍堪賞此  
心不自安  
往年夜雨寒雲裡暗翔鸞豈若今番毒蝕餘猶  
似殘鼓鐘喧不已冠服拜還看肅竦光全滿憂  
心半得安

書寄臨桂直齋屠尚書

我家秦嶽東君在大荒中左思賦出乎大荒之中相距山  
川遠幸然道路通含洪宰相度亢直古人風萬  
里相聞問辭窮意不窮

一為之客無不動戚容者

五更轉欲盡寒角動高城月下增長嘆風中噎  
斷声思鄉空墮淚久戍不勝情莫論邊關上邑  
樓猶厭聽

鍾

鑄人倭與鬼功德豈相殊警夜應須有考辰不  
可無登歌稱雅樂振旅作靈符耳罷景陽韻甘  
年別帝都

鼓

玉尊莫且效輕易過雷門鼉吼三搥後鳳驚五  
彩繁祗知秋社好不聽早朝喧再倩催花手携  
朋樂酒罇

### 胡笳

兩雪已霏霏征人猶未歸曲新聞出塞李正年  
舊曲更造新聲以為夜奉解重圍劉崑為胡騎  
武樂有出塞等名目動凜冽胡風急淒涼漢月輝  
登樓奏胡笳虜因動懷士之恩棄圍去  
似吹蘆葉捲看梅花飛胡笳亦有梅花有彈

### 箏篥

箏音丘慈悲栗樂名改到如今原名悲栗失  
記曾胡部只知是漢音調高驚客夢聲慘動人  
心新戍猶之可離鄉有歲深

### 說右川康太守

為即名已傳出守更稱賢北群猶西郡初知太  
保右川作遊川虎符何所在態軼以高懸循吏  
定堪為傳湏煩太史編

### 冬月明水鎮送右川康太守葬回暫憇玉

泉寺是日晴暖

倦來憇比丘東鎮送康侯  
穉子登墻看老僧下  
榻留水寒傷馬足日  
暖脫狐裘預擬陽春曲  
明斗再此遊

寄石州州判退西墅原從灤州改任  
一經終不偶兩郡政堪稱  
馭吏無輕犯懲奸有  
劇能莫嗟常偃蹇會見  
即飛騰一別三寒暑相  
思日不勝

寄萊蕪舊尹曹東山

昔宰山城日那堪值歲凶  
視民如愛子驅盜盡

歸農疑獄真能剖非公曾  
不容雙鳧南去後誰  
復步遺蹤

寄瀋縣分教張東山二首

少即知名士為師今不慚  
下帷曾苦讀驚座有  
雄談李韓朱殊陸材成青  
出藍但能行素志官  
冷亦心甘

凌雲夙有志晚歲拜儒宮  
名邑多文物諸生列  
講壇夜眠方席暖曉坐怯  
羶寒此去卿家近何  
須早掛冠

逢元頌聖有序

歲壬戌元日林下小臣恭喜太平有象  
悠久無疆雖邊方小警不足為慮而村  
田大有常不絕書

皇上在位四十一年始出聖人千八  
聖壽五十六歲王者五百年而始出聖人千八  
百歲以為春二百年來治安如一日威  
周卜世三十始將過之唐堯十五為君  
正與

今同日而遐壽亦必過之矣 國恩未報家食無

營聊述短章名為頌聖云

衆星拱紫極四序首青陽雲裏香風度天邊麗  
日長重玄能合德三白預呈祥卜世過周曆堯  
年豈可方

現鞦韆作序二首

東接迴軍北鄰之大河庄名大溝厓清明  
日高豎鞦韆數架近村婦女謹聚其中  
予以他事偶過感而賦詩



綵架傍長河女郎笑且歌身輕如過鳥手捷類  
拋梭村落人煙少但意謂人至此不鞦韆名目  
多有轉立獨從旁觀者懼仕路合如何  
每遇清明節山南祀祖阡光期陳俎豆此日戲  
鞦韆水淺閑舟楫風輕度管絃不才甘廢棄隨  
處樂餘年

傷祭墓者

墓祭人無數愁容不忍觀風狂過午後諺曰狂  
其平今反花淡似春殘九轉腸應斷兩行淚不乾

雖因哀死哭半為度生難

贈蹴鞠客闕美

輕趨由積習蹴鞠出軍中迸激如流矢迴旋類  
轉蓬熟未能勿失觸處偶然工衆技君皆可圓  
情更不同

憶雪山劉晔甫貢士

能詩如孝綽下第情劉蕢學富才無敵家貧志  
不群買書不惜費操筆善為文雖被儒冠悞名  
猶身後聞

曬書

邊劉併及余邊尚書華泉癖好在收書亡豈惟  
三篋漢張安世能記補三篋亡書邊在家失火  
多應過吾車惠子多方其書搬移紛僕輩曬晾  
滿庭除祇恐傷科蚪莫教飽蠹魚

壽許醫

老醫人所羨世稱老君老更無如滿架宜時藥  
堆床已疾書眉長增短視許元短視眉長髮少  
亦梳自壽應無筭壽人術有餘

樵夫

早乾木不生樵採搃秦荆月落深踰嶺日高始  
入城旁觀愁負重買者尚嫌輕困餓交相逼價  
廉不復爭

述我

久不聞陞除知予惟有予卧憑書引睡病與酒相  
踈囊少干君策門多長者車幸而倉有粟不患  
食無魚

晝日觀水上煙火次夏鬻山韻別有一種

製造繁華不減夜間

紙般藏火藥搖曳綠陰傍熾焰燔危岸飛煙掩  
太陽礮驚魚出沒花炫鳥迴翔再赤周郎壁却  
從李相庄

附豐山原什

巧技傳京國裁舟戲水傍縱焚鑿赤壁飛礮破  
襄陽照浪魚龍駭飄煙燕雀翔昇平多樂事偏  
集太常莊

三月十日同茗客遊遠村

亭午出城闌初昏到水濱茗佳邀茗客花盛感  
花神縹緲雲盈榻朦朧月半輪何處堪避俗此  
可共尋真

贈崔生有序

世有同患在好為人師廣招門客愚耳  
目而張門面騰口說而遺身心竊嘗耻  
而矜之恐蹈前轍是以書院空設書籍  
徒多舊時從者今皆散處間談則有之  
真寔講孝歲不過數次耳京士崔曉字

名東甫者素習毛詩遠從予李媿辭不  
敢當乃同其姑丈董剛請之甚懇不得  
已受之仍以是詩勵之

潛心愧不能只說又奚曾負笈向其遠李詩可  
以興千金酬北驥萬里待南鵬宿願吾斯可及  
門見有恒

寄平陽王受甫二首同官同罷官即予憶

君知君亦憶予云

清福已

平分才名孰出群吾歸樓秦岱君李播

河汾鬢改同飄雪眼穿各望雲新知兼舊作有

便早相聞

同為選部郎聞望略相當苦口排權府甘心逐

故鄉兩分山作界

以太行為界分  
山東西二省

千里路非長

相憶唯相見願隨鴻鵠翔

懷陳平田大叅原內翰外謫歷府縣臬司

至今官

憶昔宰吾章視民惟恐傷官由無妄謫名以有  
司彰品秩今非小辛勤已備嘗服除將涉歲補

任在何方

送太谷二尸林雄

太原百里餘鉅邑近何如三歲雖逢歉四郊尚  
晏居撫疲須惠受佐政在勤渠自是無冤獄行  
看有積儲

青門沈山人別來久矣忽承過訪談及在

京舊事愴然動懷和韻二首

猿鶴久無主長吟歸去來墻花剪草茂堤柳掃  
萍開無事焚龍腦有人惠鹿胎久睽今復聚喜

極各生哀

在昔居官日名高毀易來惟虞賢路塞不使倖  
門開久矣負豪氣幾乎為禍胎客來同話舊回  
首亦堪哀

附青門原什

花蹊文字啓竹弁野人來歌慶陽春動談中武  
庫開榆錢青帶英栢子翠含胎媿乏馮生報空  
餘彈缺哀

賀湯陰舊令張東泉入名官祠

曩予官吏部扈 蹕過湯陰問之政稱君最施仁  
得衆深別來無異議入祀出同心名官祠中列  
高風播士林

挽蔣少濟有序

少洛原以御史外謫歷陞僉事生前有  
國士之風身後極子孫之盛士民合詞  
呈請撫按兩臺入鄉賢祠得與春秋二

祭

內臺忽左遷外轉過中年可惜終為爾莫知所

挽陳東阜舊刑部

病沉捐館含夢斷失鄉園東阜原在京州肉譜既  
遭日腹笥亦不存東阜存日火焚藏書樓予嘗  
猶存絕絃空墮淚觀劍暗銷魂望祭城南陌雲長

日易昏

莫春迴軍鎮道中簡劉後峯

往返歷迴軍莫深花吐芬馬牛紛蔽野鷺鷥聚  
成群社鼓喧春晝山鍾下文燠匆匆難訪友短  
劄特相聞

仲夏携家過城東諸村

塵市若拘留東村暫一遊三苗猶未茂謂穀黍稍三苗

二麥已微收巨戶盡長閑并畏盜及債主縑車夜

不休雖携家室樂恐見閭閻愁

懷伊鈍嘗尹予邑有菴一韻二首鈍菴初姓

趙改復為伊嘗尹予有惠政云

不急繩難斷隨宜絃屢更從伊新復姓為尹舊

知名雙鳥同鳧至一琴伴鶴鳴華階從此始不

日位公卿

交誼丘山重別來歲月更一官猶踳躑近自憲副左邊

歷任搃聲名字邑昔三善驚人今一鳴莫須輕

去國千載效虞卿鈍菴曾示以敬就間之意予復書勸止之

贈遜小宰畫士

恃藝重其身餘長在馮真閉門常謝客開市有

間人道路吞聲哭閭閻到骨貧煩君精妙筆好

為繪流民村况

垂柳不成行能將茅屋藏道傍施藥餌宅後事

耕桑序坐驚年邁閒居覺日長興來乘短棹無  
復賦長楊

燕客不至抵暮仍具東奉速

早起飭庖厨讌遊事竟孤蛩声喧砌草蟾影上  
连梧虛席無來客馳書傷代五百年駒過隙不  
樂胡為乎

庚申仲秋月復食

客歲中秋月食多不忍看今宵還若此盡且竟  
無懽忽失山河影空餘風露寒慵眠難就枕獨

立莫憑欄

謝四溟自

趙府惠書與詩附使酬謝即

用其韻共三首末首兼及鄭虛舟

和易聊隨衆端方迥異常高才不小就良賈必  
深箴賦為悲秋作歌還子夜長知音魯郎誦一

一中宮商

詩為時所尚貧乃士之常帝側無人薦王門且  
自箴書來千里遠契結百年長相憶難相見空  
悲參與高



賢王常礼士近事出非常風聞趙王薨逝不明

官究靈運非徒作留候却善藏四溟以遊客惟

身不與詩能兼衆体史必擅三長鄭子君同志

賜非不及商

附四溟詩

誰是風騷侶今聞李太常賞音無遠近作者見

行藏齊琴正聲轉燕歌悲調長秋來桐葉下千

里動清商

過窳先夫墓感舊有述

墓前檜栢陰手植已成林舊役僕夫老足占歲

月深生前爭識面身後服其心過此不勝感况

聞隣笛音

因客問述往事有序

客有罷官已以尚追恨當時考功不得

調督工不需恩者向予扣其所以予乃

林下散人不欲問此久矣客亦因善鑽

刺至此有難於答逮其既去而告之留

坐者曰昔予出吏部後貧風猶未熾俸

門猶未開奔競之習猶有所顧忌而未  
敢肆然已有講攘搶之說如昔人所謂  
一官而三人共之者也吏部若用屬  
必采擇素有名望者人以得吏部為榮  
不則怨慕終其身然自唐時已然觀其  
詩曰作意嫌工部專心望考功誰知脚  
贈蹬又落粉牆東工部即多有加四品  
服色者腰金而後携一兀前擁雙勝然  
猶在司督工見者不知其孰為正郎孰  
為京堂也有三童謠洋溢九衢馬前雙  
馬後方腰下黃督工郎郎不郎堂不堂  
工未了一般忙滿街棍京堂混工部忙吏  
部困予因客問而憶往事因往事而增  
新感恐其愈久而遺忘之矣遂筆而存  
之又繼之以詩譬之僧已受戒尚論民  
間事婦既被黜還為夫主憂其亦可笑  
也已

吐吐左書空官休志不終爭為今士病讓少古

人風華省何相外粉墻又落東督工當日事誼  
口出黃童

贈伊鈍菴有序

十年前鈍菴以遼陽僉憲過其舊治章  
城予同衆鄉士夫郊外送別去繼陞少  
叅仍在遼陽再陞憲副兵備蘇州乃以  
邊事誤累謫遷尚未選補大司馬虞坡  
揚公薦其才且屈旋復憲副又兵備德  
州七月後仍在邊上防秋辛酉春正夜  
將半忽有扣門者傳稱有上官過訪夢  
中驚起知為鈍菴舊縣主也披衣出迎  
入而張燈暢飲擊節雄談誦其舊作無  
非邊務軍情天猶未曙即欲啓行喜其  
臨而惜其速也即席贈以是詩  
兵司仍舊秩冠服更巍峩十載送君去三更再  
我過軍中賡鼓吹塞上賦鏡歌燈下承相示今  
人感慨多  
賜谷初舉人旦遠從予學於其避席首問

勉以是詩

自知踈且庸深媿遠相從  
妙在能新得不徒步  
舊蹤未明雞喔喔  
旭日鴈噫噫  
起此長勤李無  
勞嘆不逢

靜齋李儒士就李於其表兄董澧溪在章

旬餘日一疾不起將返葬燕門詩以挽

之

少年今客死返葬路迷漫  
飛旒經霜淡遺毡  
蔽兩殘才堪登士籍  
命止一儒冠  
囊有雄文在傷

心不忍看

贈燕都劉西坡

多半百年身  
惟干棋客親  
不言幾失子  
勵志恥  
求人編曲青燈下  
卜居綠水濱  
閑閑深有意  
門外即紅塵

送錢塘戶張鳳臺

名譽出人前  
長髯望若仙  
才元非百里  
微豈待  
三年試者居鄉重  
足知宰邑賢  
理繁迎謁暇  
猶不廢鳴絃

張龍罔用謝四溟韻惠詩作此酬謝

君久官崇品予先罷奉常相知頻往返不復計

行箴服恨三年短三年之喪制雖有限心自無窮名還萬里長

憂中凡有作音調不離高

附龍罔詩

寰海文章伯東山李太常聲名馳已久林壑漫

深箴許國丹心在憂時白髮長倘舒調化手千

載見虞高

有懷郭艮山通政作詩奉寄二首

日高破早寒北望一憑欄料爾揮吟筆惟予把

釣竿燕齊為道遠李郭共舟難憶昔同朝日威

儀觀漢宮

為愛郭銀臺名高有異才朝中方顯達林下即

歸來日落閒門閉風吹絳帳開有人行所奉歲

歉不為災董澐溪嘗及只山之門以其所奉行

安

撥悶二首

書已焚封禪道經滿石函箴修期有得名利不

頃談扣角歌齊相閉門效魯男莫愁鬚鬢白居  
近菊花潭

不媚臺賢薦不憂里少欺夢遊多舊景靜數少  
新知田廢徵求急歲凶老幼悲賑饑無異策撥

悶強題詩

鞦韆

索垂晝枝橫女伴闊輕盈雙雙秦弄玉箇箇訐

飛瓊俯視花稍下高騰樹杪平出遊偶見此始

記是清明

蹴鞠

堪為蹴鞠場選地綠陰旁遠近憑那趁低昂善

村量穿曠鷗對泛那趁在脚根對泛在曠拂背

雁回翔惡少居鄰舍莫教過短牆

投壺

雅歌臨俎豆祭遵為將雅歌投壺雖華宴奏笙

簫客引軒車避主將壺矢邀倚竿非偶中帶劍

乃奇驍員者翻歸怨壺偏矢不調

傀儡

仕途終日忙，傀儡登場刻木形。相似牽絲態，轉狂郭生能。譚言鮑老舞，郎當戲罷譚如夢。追思已杳茫。

### 打球

安基齊燕尾，如射中鴻心。柄過窩難掛，毬輕体却沉。得來手撲捧，妙處線穿針。勝負俱休論，忘

情歲已深

詳見拙九集

### 圍碁

拂枰欣著碁，閣筆懶題詩。興廢邀賓急，思深落

子遲。縱橫堪遣日，勝敗不移時。仕路如碁蹟，危

機不自知

### 角觝

爭雄誰擅場，枝力兩相當。鼓震雷聲遠，旗翻日影長。錦標如得奪，奇雋可為償。亦弱原非弱，好強必遇強。

### 琵琶

馬上傳來久，絃中指法難。激音因急撥，緩調為輕彈。籟響迎風樹，珠投承露盤。聞人聞妙曲，雖

飽亦加餐

笙

音屬春王月能催萬物生  
妙惟王子晉吹有董  
雙成滄海驪龍咽高岡  
彩鳳鳴躁心聞即釋身  
世在蓬瀛

笛

遠舍有紅裙笛聲迴出  
群落梅與折柳裂石更  
穿雲幽咽風中斷淒清  
月下聞家居猶不忍有  
友尚從軍

水盞有序

水盞即響盞体厚重而底窪削以銅為  
之以小銅杖擊之音如雲璈製如淺酒  
盃曾乞於魯王蒙不峻拒并惠之書  
曰樂盞一副傳自先王特割愛相贈  
人言即詩與史所謂擊缶者釋文謂缶  
為瓦器今所得者器有異耶抑傳者訛

耶

賢王愛鼠深贈藥比南金揭調盈人耳和聲悅



客心初疑雲雁唳又似水龍吟轉擊堪消日向  
愁白髮侵

簫

音在人難善善音世未知願隨簫史去莫效子  
胥吹鳳翼參差列猿聲斷續為遊人猶墮淚  
婦可勝悲

琴

村以龍門美嶧陽亦有名及真為樂長伏羲所  
作修身  
乃眾樂之長也因嬰脫餘生秦楚絃中變李龜年  
聞琴知

為秦声既又楚声扣之彈風濤指下驚不堪聞

者曰先隴西而後揚州

瑟

中黃勿得犯各半濁清絃瑟二十五絃中一黃

雖設而不彈去十二朱絃屬清濁相間而成音臨水魚驚聽

紫臺鳳舞旋譜傳惟百葉葉願未奈嘗出譜一

其過百而多不百音寂已千年知瑟而絕可惜世無

而少者非真也

自昔取後誰為鏗爾賢亦

磬

置聲吾棲所鬻僧手自携有心曾擊衛告糴又  
如齊慄疾晨鍾發輕清夜漏淒長安名利客鄉  
淚幾行啼

笙篴有序

笙篴以空中得名又以亡國之音因為  
空侯乃空國之國侯所好也吳兢樂府解  
題曰漢武祀太乙命樂人侯調依琴作坎  
楊升菴以為命侯暉未知孰是義取坎  
坎應節侯蓋以姓冠章云十四絃二十

三絃二十四絃李知幾及樂府錄其說  
不同如此善於彈撥者晉有師延唐有  
李憑其器與譜不至淹沒者今幸有曲  
沃李季和云

笙篴非雅樂他樂不能過好爾能亡國勸公無  
渡河夫有渡河者妻追之不及夫溺死妻鼓笙  
作笙篴引浮聲鏗碧玉沉響激清波古譜今仍在知

音世不多

盡角有序

畫角原軍中器成樓多有之往往聞於星稀  
音也下月落之餘天曙霜飛之候自古詩人備  
述邊聲戰苦乃後不止關塞雖腹裏譙  
樓間亦有用之者音哀而遂無甚轉折  
其辭不過為君難為臣難難之又難而  
三句而已然感人却不淺世皆謂吹角  
其實吸氣滿膈底口始得出聲下長而  
濶上加一哨桶用桐木取其体輕易舉  
予嘗蓄三五具有欲聽者命壯僕時

以然才堪稱國士名已入鄉賢福蔭有餘地誰  
云未定天

賀壽光縣令沈時秀陞任南禮部

人乃拔其尤文真作者流禮鄉今白下茂宰以  
青州疇屬邑乃青君欲驅車去民皆卧轍留為時  
當不遠都府復東遊

送東野呂中輔自浙回携新製詞冊再赴

新樂王之招

旅寓常江北仙鄉本甬東光陰如逝水踪跡類

飛蓬遊幸年今長為詞日益工王門裾再曳恩  
禮兒園同

齊東感舊示袁甥仁有序  
予昔婚於齊東王門十五年矣今為袁  
甥呂門之婚再過齊東有感舊遊作為  
此詩

向予定婚姻曾是集親賓數往無多日行年過  
六旬表甥昔穉子此際已成人為爾亦婚事因  
之感慨新

齊東途中書所見

兩縣路非遠十年今再遊醜姬塗粉面窺客出  
墻頭鴻雁秋將盡牛羊晚未收眼前俱舊景歲  
月逝難留

贈誠菴張茂才

矢志權寧耐有時得發舒何人憐伏驥空日賦  
枯魚魯酒茶難似詩云薄酒終勝飲茶湯齊竽瑟  
不如詩詞聊遣興兼且帶青鋤

胡胡山園看花口占

花興吾方減君今正愛花栽培經歲月爛熳擬  
雲霞雨後從人乞風前對客誇豈惟花事盛文  
事亦成家

張良策園賞菊同前韻

滿園皆異卉籬菊有黃花早賞團朝露逢開映  
晚霞暢懷宜對飲交口就相誇上苑遊將近豈  
終處士家

林居

朝市虛名在林泉僻性耽寸心猶戀闕駟馬久

停驂採藥成金鼎著書藏石函每逢園果熟隣  
里共分甘

關山田爲園

去國遠棲巖不憂譏與讒少卿亦俗吏老圃乃  
清街折柳樊能密防蔬草盡芟行歲吾已定何  
必問巫咸

解職後遊禪院

一心戀故山隻手謝朝班不願攀鱗上惟隨倦  
翼還宮遊爲客久官罷比僧間愛把禪閑扣吾

家却閉閑

遊道院

水月弄潺湲  
雲山任往還  
朝中除仕籍  
方外列仙班  
現隱孤城下  
樓雄萬樹間  
何須遊閬苑  
只此出鹿寰

送武城舊司訓傳堯急

武城分教日  
師範至今遺  
課士情猶子  
休官鬢未絲  
儲中無積粟  
筆下有新詩  
流寓難歸去  
為生賴舊知

寄懷高熙齋戶部上鄉

別來久異地  
在昔竊同寅  
于是耕田叟  
君為名世臣  
親庭常愛日  
仕路喜逢辰  
奚但司財賦  
還看秉國鈞

寄贈翟青石大中丞二首

昔任大中丞  
政嚴惡盡懲  
聲牙雖尚氣  
脂膏素非能  
世事如雲變  
謗言與日增  
隨徵隨復罷  
衆望再飛騰

剛方性不移  
才藝博而奇  
豈但羲之字  
無能白

也詩壽高臨八表官罷已多時倘應非熊兆猶  
堪王者師

再過玉泉寺贈永福長老

閉門誦法華客至着袈裟淨域多靈跡恒河少  
聚沙一花開五葉兩月演三車喧寂如相較在  
家讓出家

贈北沙王舉人

浴石無緣會喜逢王北沙申考功歸浴石長亭  
勞折柳上苑擬看花亢志輕千乘讀書富五車

棲身仍魏博京華聲聞滿

宋簾山携書盡暑月見訪留飲次韻

呼童趨啓戶有客訪閒居為我能知盡羨君更  
善書涼生巡樹後情洽識荆初留飲無他物盤  
中惟野蔬

附簾山原詩

中麓文章伯芳隣願卜居張筵出盛饌插架盡  
奇書時已蜩鳴久景當鷹擊初夜來羊入夢路  
破一園蔬

客有苦寒熱難消遣者問及於予上以是

應之

火宅偏增熱雪山曾聚寒日時不甚久寒熱度  
皆難扇底歌聲細罇前舞袖寬鬱怀間即釋醉  
眼最宜看

客有來自釣州者談張子魚身後事最詳

傳

詩以哀之

傳聞張子魚身後事成虛田簿示使難茂墳荒草  
不除曾持三尺法空擅八分書使嘗為副使按察

法掛劍誰憐汝絕絃獨淚予

夜宴觀戲

扮戲因開宴坐深夜已闌一人分貴賤數語有  
悲歡剪燭增殊態停盃更改觀優旃曾諷諫獲  
譴嘆言官

驟雨

往年嘗苦旱陰盛反為災雲湧風催雨山摧電  
引雷須臾平地溢疑訝浼天來屋漏堅垣破濕  
衣就火煨



喜晴

陰晦今旬日忽然望不迷好山青擁座茂樹綠  
連堤雨歇雲歸北天晴日已西此時將訪友猶  
自畏衝泥

園居學道

小園何所營避暑養吾生雨後花枝重風前葛  
服輕讀書勞自力靜坐自神清從<sup>此</sup>兼修命二年  
道可成

贈卜者

爾自神其術竭誠遠謁吾得錢閑卦肆携冊總  
靈樞三畫成交變八方與象殊無疑何用卜飽  
飯是良圖

寄尹慎亭參將

尹君吾所慕武弁更無如名重三邊上身輕百  
戰餘豈惟閑將畧兼且讀儒書感嘆秋風起壯  
懷猶未舒

為漁一韻二首

披蓑勝錦衣重上舊漁磯白石粼<sup>粼</sup>瘦黃鱗<sup>鱗</sup>

七肥殘星猶未落缺月有餘輝早起因垂釣遲  
歸豈見幾

拂衣仍布衣甘老釣魚磯竊比貧而樂何須輕  
肥殆庶幾水平如鏡面竿動弄珠漁隱堪忘  
世吾今殆庶幾

山水小村餞別少川張揮使

人道是小齋誰知傍水涯樹搖風掩戶草帶露  
侵堦俠客彈長鈇舞姬溜短釵酒終歌別曲一  
曲一傷懷

牧童

糲飯日三餐有時把釣竿居惟宜草澤生不識  
長安風笛吹無調兩簑補未完棄牛為野戲饑  
飽漫無干

獵戶

控弦擗走犬驕馬向風嘶路險身能健草深眼  
欲迷縱鷹忙解索得兔不忘蹄搏獸如先虎豺  
狼兔夜啼

逆旅病客

殘軀羈別館病日哭窮途旅食終朝減家書累  
歲無履穿為客火燈暗照人孤歸興今難遏杜  
鵲不用呼

蠶婦

少婦采柔桑養蠶日夜忙葉湏防浥臭椹恐汚

衣裳九老方歸簇

王氏農書云十蠶九老方可入簇

三眠色正

黃繭絲組織後溫暖却寒涼

閏七月望夜

秋孟今當望風輕簿霧收蟾光疑日出螢火類

星流餘熱難安枕乘涼好上樓若非逢閏月今

夜是中秋

退居修養偶憶舊事

有綠作上仙無欲效前賢竊祿曾多日乞休不  
待年動遭時相怒靜養谷神全清福人難得吾  
生豈偶然

寄大司寇黃葵峯

司寇職刑名惟明刑自平繫因枋暑毒仁意藹  
春生我虛席深為得情好生戒哀矜為得情好

生天子德輔助在賢卿

歷下夏雲峯善內養奇術喜其過訪賦詩

贈之

真種本無根華池自有源祇須三字訣何用五千言  
偶遇孤高士能窮性命原談玄有默契貪坐到黃昏

贈鄒平尹張龍池

善政最宜民民情日益親兼能知所畏不但感其仁上考名方重左遷事有因借留慈父母赴

訴每千人

遊客黃靜齋二十年前曾携其弟相會城

南園及再過則復姓為孫頗能走動公

卿云

遊歷半中原終年不憚煩自誇心已靜衆惜迹猶喧  
同弟知名士歸宗復姓孫囊空何足慮貴客日<sub>盈</sub>迎門

加臨洮別駕胡少川陞任南刑部員外郎佳麗首南都江山入畫圖數年淹遠郡一日即

亨衢律定還家加恤刑成要伏辜雖云為法吏猶不失文儒

八月念日與客夜飲

門靜可張羅有人載酒過一罇傾玉露半鏡掛  
銀河夜永群喧息秋高爽氣多苦吟難假寐不  
醉欲如何

送門人黃金溪自縣教諭擢州學正

章城今長教京國舊門生事業惟三易歸歲

周易謂之三易金溪世業易以其所長授徒多有以易名者歲華忽屢更講

堂留墮鱸出谷依遷鶯李博多心得倉餘本舌耕

仲春邀客遊遠村三首

結客抵村墟時當二月初花明臨華戶柳暗覆  
茅廬有意水環抱無心雲卷舒不聞城市語况  
可問陞除

他村他來往頻到此又三春吠犬不知主烹鷄聊  
待賓雲山多變態溝壑未填身南畝為農以征  
途罷問津

柴門草不除人跡遠村踈馬餓喧新櫪燕歸巢  
舊廬里閭敦禮讓山水可樵漁只此堪投老何  
須更卜居

初冬短述

世事多翻覆間門無是非驚心南寇盛過眼北  
鴻稀甕暖寫新酒天寒補舊衣隨綠聊自遣  
奈何賞心違

明水鎮祭康夫人因傷其夫封君子太守

君末及脉泉方伯李翁

母賢今又七十載舉三喪憶往空無那觸時更  
可傷雲將欲作雪露已結為霜况近泉翁塞悲  
風起白楊

同衆交遊道規夜歸

風霜方慘淡雲月更蒼涼競渡新河岸來從古  
道場樛枝驚宿鳥岐路嘆亡羊借得真符錄錦  
函猶異鄉

自述

莫為不平鳴殷勤保全名但稱為善士豈願依

儒生交久知心少  
文竒俗眼驚  
誓將捐筆硯  
避衆事春耕

候虜信二首

千里起塵埃  
驚傳虜騎來  
禦難如水覆  
勢急似山摧  
河北全烽火  
京東半劫灰  
門前聽信息  
一日幾徘徊

冬來動鼓鼙  
胡馬不停嘶  
雲冷風從北  
天昏日易西  
夫妻潛水澌  
老幼委途泥  
畿甸猶風火  
林泉難穩棲

冬日訪王雲峯處士

有客方高卧  
無人晝掩扉  
誤疑霜葉墜  
乃是雪花飛  
凍窟魚龍蟄  
寒林鳥雀稀  
坐談閑塞事  
愁思各依依

贈署印聯峯徐三府

攝政暫江城  
洋洋廣誦聲  
仁慈如雨潤  
剖決自風生  
暖谷先春色  
寒潭徹底清  
過時猶郡佐  
指日位京鄉

寄贈鈍菴伊憲副致政

名利如揮唾機関久堪破理繁素有能奉職原  
無過才大自難容調高應寡和終彈貢禹冠暫  
郊表安卧

虞坡楊尚書索和詩二首

文山

陸謝原同榜文山一甲第一名 疊山二甲第  
秀夫二甲第二十 七一榜三忠公

尤世所尊墓銘五字是公詩有宋故忠臣  
墓是吾子五字銘家難

七歌存不受胡 屈常懷舊主恩孤忠揮汗簡

與客細評論

疊山

海潮忽失信胡馬遍神州不盡孤臣憤兼將慈

母收虜收謝母勤其子降且声其餅母云老婦  
誠有罪當時若不教子讀書不知義理君

臣華夷之分安南冠無足媿左衽自堪憂忠列  
有此禍遂遇害

英靈在長江日夜流

附虞坡原作

過文山祠

丞相名偏重遺祠世共尊乾坤柴市遠日月慈

樓存一死消胡 孤忠報漢恩中原還正統幸



苦向論誰

讀謝疊山傳

宋鼎况炎海疊山起信州潛龍終見奮驚鶴自  
難收故作君平卜真懷豫讓憂遺忠今尚在常  
共大江流

和三渠王尚書至師潼韻

臨潼嘗一遊三十餘春秋世事如雲變萍蹤隨  
水浮自從辭帝里不復出齊州悵望驪山勝登  
樓動遠愁

附三渠原作

辭闕當炎暑還鄉及暮秋遠山青靄合靜渚白  
雲浮疾病連三月豐穰遍九州明朝兒女輩應  
解望親愁

元夕集客賞假山上蓮燈

自古水生蓮乃今山亦有山形可比真蓮瓣尤  
堪取積石為群峯積燈廣一畝與誰共此宵總  
是漁樵叟

戲贈小妓

晚年逢秀嫵寄興不留情歌與絲絃應舞飄繡  
帶輕老懷增感慨醉眼不分明他妓應難比章  
臺幸得名

紀異

癸亥  
冬月

清水淨無痕麻灣乃上源如何千古色忽變一  
朝渾薰有熏煤氣畧無舊味存異災良有以悽  
惻不能言

送西泉李恭將訪道

辭官遊五嶽拉伴涉三江無復英雄志能將龍

虎降日親白雲鼎勝擁碧油幢思住神僊府壑  
辭父母邦

送汪遇野由藩司理問陞任益府審理

重名山屹屹清節水泠泠善斷持明法引經在  
呂刑堂薇迎日紫獄草僵風青此去維王國  
何殊擢漢廷

挽趙國主

莫由躬一奠岐路各西東不士情無倦著書志  
未終壁籐籠舊月壠樹轉悲風國事傳賢嗣全

名自不窮

題西谷李藩伯卷

西谷太行西青蒼望歆迷英靈鍾國器名姓掛  
金閨宿衛無由備封章曾屢題王親不得備宿  
僕御王傳楊遵曾屢次題奉議起自盤屋太  
慶未決料不久復國初之舊矣行看躋一品  
不但福三齊

送南陽府判栗太行赴任有序

栗太行以鄉舉久不第進士謁選得南  
陽府通判前此屢有約簡但是便道或  
在東方以南即過章相會乃竟不能如  
約多應客京久而赴任急耳作詩追送  
之且從而問及之

官中期一會終日望飛旌今幸有良便如何背  
舊盟候除久客舍赴任急王程一語遙相報官  
庶政自平

寄劉貞菴南戶部

名美比劉滄詩升禹錫堂山東鄉舉士江左地  
曹郎錢穀司其事琴書素所長度支有暇日絃

誦不相防

遊大冶庄追憶馬義士

良友久觀化誰能攀往駕生居大冶中塋在危  
山下野服委流塵利兵猶挿架及門主人非佇  
空立疑訝

挽馬母金氏

衆期登上壽而遽止于斯尚憶稱觴日忽臨執  
紼時三千世界內八十者為誰馬母年如此子  
孫何所悲

送靜樂司訓楊惟績

書讀足三冬鄉闈竟不逢能文揮彩筆待問扣  
洪鍾分教臨邊邑之宮正季冬門墻桃李樹春  
到色偏穠

遠村赴故舊春酌風雪中行冰途上感而

有賦

遠會不辭勞護行仗寶刀冰堅傷馬足雪細洒  
鵝毛近日新知少衝風舊興豪春寒猶未減飽  
煖賴村醪

憂旱旱

春殘雨不足夏至麥無餘  
難應維魚夢有孤大有書  
五年三遇歉十室九常虛  
謾道閒居好閒居乃索居

村遊

到此不思歸徘徊上釣磯  
喜看村塢好始覺市城非  
山帶浮雲色川明落日暉  
飛鷗驚不下足我未忘機

十月一日祭先壠謝陪祭諸親友

奔走酬人事終年少定蹤  
村居有暇日墓祭正初冬  
冠蓋如期至品儀本夙供  
親賓人共羨禮度各雍容

送峇條岡由章丘訓導陞任安化教諭

邊城今長教多士得師承  
覓句常遲寢傳經每夙興  
春風仍縫帳夜雨對青風  
燈懷舊如東望好將箭括登

贈薛秀才晨

萍水偶相逢幸然言意同  
慢舒詩卷讀劇飲酒

樽空獻策行將遇脩書屢有功青州三寧波河東  
匣中龍劍在耿耿氣如虹

贈趙縣丞

佐縣厲清操居民幸所遭張玄非俗吏梅福是  
僊曹錢穀能分理簿書不憚勞庭間知訟簡政  
善自名高

題思齋霍中丞祖母貞節褒揚卷四首

嫠婦治家庭憂心未得寧念夫不輟口養子最  
勞形軋軋殘機織蕭蕭草戶扁制碑今塚上龍

策駭山靈

凜若雪霜姿馨如蘭桂枝貧家誰與表奇節世  
無知不媿丈夫志堪為女子師褒崇身後事天  
定竟無遺

老來厥后昌少即守空房貞性金雞敵純心玉  
可方淑人蒙特贈潛德有餘光史傳煩刻向名收列  
女行

基就今三葉誥封炫五花鏡分雖有命玉美更  
無瑕地下應含笑天邊寵荐加賢孫雖佐部拜

相竢宣麻

中秋候月飲於貴府至曉始散

不見中秋月三年俱若斯煙輕風細上雲重雨

垂上破暗燒銀蠟遲明罷玉卮來宵纔是墜留

賞未為遲

賀西亭中尉奉

朝命建乃尊奉國將軍

崇孝祠落成

新祠所自營崇孝本

欽名

聖主恩無極嚴

親與有榮春秋勤祀事月旦重鄉評艾比漢劉

德子為劉更生

送杏川田主簿陞晉府典儀

章邑久分篆王門今戎裾陪遊常有馬賜食不

無魚閒可揮盃酒勞忘理簿書如逢東驛使音

問莫教踈

挽潛菴筆吏目

萬古江山在歲深物必災水聲猶瀟沸山勢尚

崔嵬秋槿霜凋盡寒蘿風捲來功成甘自退語云

四時之序不必為君哀  
成功者退

過竹川華縣丞墓次憶者病日子往候問

見病勢科其無生理醫言數藥可愈予

佯許而竊笑之

佐縣曾循吏治家亦有才住居新易主具祖居

弟墟墓易生哀禮云墟墓之間未兩洒無薪火

風吹殘炬灰人生命盡仙藥豈能迴

和浚谷趙中丞見贈詩韻

待召因邊畧豈惟文行嘉會須霑雨露不久卧

雲霞夢裏三秦近醒來兩地賒東遊曾許我海

上泛星槎

附浚谷原詩

濟上風光俊耆願人更嘉鶯花隨几杖詩酒醉

烟霞海日蛟龍氣壺天歲月賒會當凌八極吾

道豈浮槎

贈淵泉張棊士

夏殘轉白藏過眼惜流光棊士重相訪棊朋喜

歌狂調絃安玉軫泛徵雜清商兼得棊碁客閒

中歲月長



寄致政內翰梁玉菴

清貴時方羨擠排就使然垂紳群彥上簪筆

聖君前逸少猶人字子長太史編幸而能不死

贏得直如絃五菴為翰林有名被忌者排謗十

道邊以先生事觀之古語不

誠然乎君蓋以之自喻也

友鷺盟常在攀龍願久違人言難見是吾道不

為非今日心無悔當年計決歸羊裘雖已破猶

戀舊漁磯

附玉菴和詩

帝都一旦別面教幾年違官罷緣親老年衰自

覺非執經吾仰止函丈足依歸他日東山起無

忘舊釣磯

挽梧岡王太守

祿有二千石年無七十春四方仰厥德一疾隕

其身心可稱無我壽向不及人路旁行者式新

塚獨嶙峋

和沈青門贈詩韻有序


青門沈氏子自汴梁寄詩來開端即講  
學之語而後及相思并久離門牆之情  
書中則言學道求成予今和其詩韻而  
詩句則答其書意云

把酒盃浮綠閉門草太玄遠音來汴水雅會阻  
齊川眼下誰傳道身中別有天丹成歸海島輕  
舉駕蒼烟

附青門原詩

訊道懷劉向傳經仰鄭玄年來馳夢寐時復對

山川鴻雁來千里星河自一天平生立雪志惆  
悵老風煙



山  
川  
集

三  
十  
三  
日

